

醫事啓源

迴瀾社醫
書之四



今村了菴著

又酉事啓源

敬業館藏

三都

京都三条通外屋町

出雲寺文治郎

大坂心齋橋北久太郎町

河内屋喜兵衛

同 博勞町

河内屋茂兵衛

同 安堂寺町

秋田屋太右衛門

同 南一丁目

敦賀屋九兵衛

東京芝神明前

岡田屋嘉七

同 淺草茅町二丁目

須原屋伊八

同 日本橋通二丁目

山城屋佐兵衛

同 通一丁目

須原屋茂兵衛

同 通二丁目

須原屋新兵衛

書林

發行

醫事啟源敘

醫事啟源日本今村亮著考前後敘跋皆書文久二年實明治
前六年為日本維新伊始其時西醫盛行於日人之視漢醫
猶今日我國人之視中醫也今村氏獨謂西醫諸術其源皆出
於漢土因博引漢醫之古籍逐條以證明之其視漢醫甚重深
恐漸遭廢棄至為可惜不啻大聲疾呼以喚醒其國人雖在當
時不因此書稍挽回其風氣今六十餘年之後日本朝野上下
果有復興漢醫之議雖由治驗比較屢經覺悟之所致而此書
未嘗無啟發之功也夫日人之所謂漢醫即我國固有之醫學
也日人習我國之醫其愛護推崇尚若此然則我國人之自為
愛護自為推崇者又當何如耶讀此書者知必有感於中矣己
巳五月江寧汪紹達

鑿事啟源叙



蠶之吐絲。王雉之醢魚。微物之智。亦有過
人者。洋夷之性。專一而纖巧。故其所謂窮
理之說。及百般器械之制。奧妙精緻。殆奪
化工。至鑿治之術亦然。然而學洋鑿者。不
知其本之皆出於漢土。往之井蛙自夸。以
為他所弗有也。不庶於遼豕之見乎。特漢

人才麤大。能創之而不能精焉。為可憾耳。
了菴今邨君。邃於鑿者也。於古今方書。無
所不讀。邇者抄錄洋鑿諸術。出漢籍者。若
千條。論其梗槩。以示其徒。名曰鑿事啓源。
蓋欲俾學者。知其所本。精之而又精。以箝
洋鑿之口。解時俗之惑也。其志可謂切矣。
夫我邦之於漢土。壤地連接。風氣相通。政

體習俗。以至飲食嗜好。皆小異而大同。則漢方之宜邦人。亦可推矣。况慣熟二千年之久者乎。雖然。今之學漢方者。大率皆拘牽常格。不能有所發明。所謂依樣畫葫蘆。彼術之出於己者。且不省知。俾紅髮異類成豎子名。此則獨何歟。讀是書者。可以愕然而寤矣。

文以二年壬戌春正月

巖邑若山拯叙



高橋豐珪書



跋

自洋學一闢。人皆喜新厭舊。
聖遺訓棄如土。阮宮保曰。西洋
人之言天地之理最精。其實莫非
三代以來古法所舊有。後之學
者。喜其新而宗之。疑其奇而闢
之。皆非也。如醫法為最然。惜乎

未。有。好。事。者。為。之。辯。也。吾。友。今。村。
祇。卿。乃。起。而。辯。之。書。僅。一。卷。博。
而。能。確。辭。無。支。葉。只。以。金。鵝。舌。
之。口。而。眩。蒙。者。之。惑。矣。祇。卿。著。
書。數。部。此。特。一。斑。云。

栗園淺田惟常



家君刀圭之暇。以著述為娛。脫藁者已若干種。頃者使芳校舊稿。因得此篇。退謂生徒曰。此書雖小品。足以醒世醫之夢。遂相共謀。將梓之。家君曰。藁爾漫錄。遺漏亦多。且漢蕃相抗。猶晉戎之角犄。適足以取嗤於高人耳。夫軒岐之道之大。較之於諸蕃醫術。猶日月之與燭火。滄溟之與蹄涔。其大小邪。正不俟智者而後知矣。猶何梓之為。芳曰。誠然矣。雖然。今世之醫。不特不知我道之廣大精微。并不知蕃醫剽襲漢法。以為已有。而卑詭承譌。逞意鼓簧。公然弄人命於

股掌之間。其害有不可勝言者。何置諸度外。此篇引援談博。一覽可以知我道無所不備。其謂之後學之津筏。醫門之慈航。固非誣也。生徒請盡許。家君哂而領之。迨梓成。謹理前言。以為跋。

文久二年歲次壬戌春二月

男芳拜識

小川慎書



醫事啓源

解剖

瀕劑

熨法

灌水

脚湯

酒劑

製鍊

蒙汗

起泡

唧筒

導尿

塗藥

芥子膏

嚏藥

輶炯

甬鍼

角法

蜚鍼



刺絡

引痘



醫事啓源

上毛

今邨亮祗卿 著

漢土醫術。精覈詳密。超絕諸蕃。至于外治。則蕃亦不無可取。但其所用之方。漢既皆有。從來漢醫。或用焉。或否焉。從人所見。而至其法制。載籍歷然。悉可檢按。彼徒未曾覩漢籍。自誇開創。固無足咎。乃漢醫不學者。從而和之。遂使世人言蕃醫。精細窮理。新奇取功。非漢醫所企及也。可甚笑矣。抑內景之說。出于素靈導尿之術。初于千金。斑發起泡。螞蜚唾血等。晉唐方書。屢稱其功。今舉數條。以授生徒。顧徵引率略。望一漏百。庶博雅之士。觸類纂集。非固與彼抗。特示漢無不備耳。

是書脫藁。會聞枋憲喜多村先生。既有著辨之恨。予未及覽。知不免遼豕之譏焉。

解剖

靈樞經水篇曰。夫八尺之士。皮肉在此。外可度量。切循而得之。其死可解剖而視之。其藏之堅脆。府之大小。穀之多少。脉之長短。血之清濁。氣之多少。十二經之多血少氣。與少血多氣。與其皆多血氣。與其皆少血氣。皆有大數。解剖之言。始見於此。漢書王莽傳。莽誅翟義之黨。使太醫尚方與巧屠共剝剝之。量度五藏。以竹筵導其脉。知所終始。云可以治病。文獻通考載五藏存真圖。趙與峕賓退錄云。廣西歐希範及其黨。凡二日割五十

有六腹。宜州推官靈簡皆詳視之。為圖以傳于世。晁公武郡齋讀書志載存真圖一卷。崇寧間。泗州刑賊於市。郡守李夷行遣醫並画工往視。決膜摘膏盲。曲折圖之。盡得纖悉。介校以古書無少異者。張果醫說云。無為軍。張濟善用鍼。得訣於異人。能親解人而視其經絡。則無不精。因歲饑。疫人相食。凡視一百七十人。以行鍼。無不立驗。赤水玄珠載何一陽說云。余先年精力時。以醫從師征南。歷剖賊腹。考驗藏府。心大長于豕心。而頂平不尖。大小腸與豕無異。惟小腸上多紅花紋。膀胱是真脬之室。餘皆如難經所云。無所謂脂膜如手掌大者。漢土辨藏府經絡。取之實驗如此。本邦平安山脇氏請官始有觀藏之舉。著藏志